



TOSHKENT DAVLAT YURIDIK UNIVERSITETI REKTORINING B U Y R U G‘ I

12.03.2024

158-tm-son

Xorijiy ta'lim muassasasida o'qishni davom ettirish to'g'risida

O'zbekiston Respublikasi Vazirlar Mahkamasining 2017-yil 20-iyundagi 393-son qarori bilan tasdiqlangan Oliy ta'lim muassasalari talabalari o'qishini ko'chirish, qayta tiklash va o'qishdan chetlashtirish tartibi to'g'risidagi nizomning 11-bandi va O'zbekiston Respublikasi Vazirlar Mahkamasining 2021-yil 10-iyundagi 359-son qarori bilan tasdiqlangan Toshkent davlat yuridik universitetida ta'limning kredit-modul tizimida o'quv jarayonini tashkil etish tartibi to'g'risidagi nizomga hamda Toshkent davlat yuridik universiteti (keyingi o'rinlarda – TDYU) va Polsha Respublikasi Gdansk universiteti o'rtasida tuzilgan kelishuvga asosan, shuningdek, talabalar Hafuzullayev Erkinjon Rivojiddin o'g'li, Jabborov Diyorbek Azimjonovich, Maxmatmurodov Maqsudbek Yunusbekovich (keyingi o'rinlarda – xalqaro akademik mobillik dasturida ishtirok etayotgan talabalar)larning arizalariga muvofiq

B U Y U R A M A N:

1. Ommaviy huquq fakulteti Davlat-huquqiy faoliyat yo'nalishi 2-kurs to'lov-kontrakt asosida o'quvchi talabalari Hafuzullayev Erkinjon Rivojiddin o'g'li, Jabborov Diyorbek Azimjonovich hamda Davlat boshqaruvi yo'nalishi 3-kurs to'lov-kontrakt asosida o'quvchi talaba Maxmatmurodov Maqsudbek Yunusbekovich Polsha Respublikasi Gdansk universitetida 2023/2024-o'quv yilining bahorgi semestrini 2024-yil 1-iyulgacha akademik almashinuvi dasturi bo'yicha an'anaviy (oflayn) shaklda o'qishini davom ettirishga ruxsat berilsin.

2. Xalqaro hamkorlik boshqarmasi (F.Umirov) va Ommaviy huquq fakulteti dekanati (Sh.Saydullayev) xalqaro akademik mobillik dasturida ishtirok etayotgan talabalarining akademik almashinuviga oid ma'lumotlarni yuritish, monitoring va tahlil qilib borilishini ta'minlasin.

3. O'quv-uslubiy boshqarma (Registrator ofisi) (S.Bozarov) xalqaro akademik mobillik dasturida ishtirok etayotgan talabalarining xorijiy oliy ta'lim muassasasida o'qigan davri va o'zlashtirgan fanlarini tasdiqlovchi xorijiy oliy

ta'lim muassasasining ma'lumotnomasi taqdim etilgandan so'ng, mazkur talabalarning universitet o'quv rejasi va dasturlarining tegishli qismlarini o'zlashtirgan deb topish masalasini universitet Kengashiga kiritilishini ta'minlasin.

4. Ommaviy huquq fakulteti dekanati (Sh.Saydullayev) xalqaro akademik mobillik dasturida ishtirok etayotgan talabalarning shaxsiy yig'ma jildiga mazkur buyruq nusxasi tikilishini ta'minlasin.

5. Mazkur buyruq ijrosini nazorat qilishni o'z zimmamda qoldiraman.

Rektor v.v.b.



I.RUSTAMBEKOV

Toshkent shahar

Kiritildi:

Dekan (fan doktori yoki fan doktori
(Doctor of Science) ilmiy darajasiga
yoki xorijiy davlatlarning unga
tenglashtirilgan boshqa ilmiy
darajalariga yoki professor ilmiy
unvoniga ega bo'lgan)

SH.SAYDULLAYEV



Kelishildi:

Boshqarma boshlig'i

S.BOZAROV



Boshqarma boshlig'i

F.UMIROV



Bosh buxgalter

M.PARPIYEV



Bo'lim boshlig'i

I.RO'ZIBAYEV



Katta yuriskonsult

A.TURSUNOV

